

معلومة سريعة

الميرون

الميرون هو زيت ... مرتبط بأسرار عظيمة في الكنيسة
إيه الزيت ده؟ و بيستخدم في إيه؟

سر الميرون (أو سر المسحة المقدسة) هو أحد أسرار كنيستنا السبعة. بعد ما بنتعمّد عل طول
بنترشم بالميرون فيحلّ فينا الروح القدس.



الميرون ☰



في المعمودية كل واحد فينا اتدفن مع ربنا و قام معه إنسان جديد مولود من فوق (زي ما ربنا قال
لنيقوديموس) و بعد المعمودية بترشم بالميرون (36 رشمة على كل منافذ الجسم)
عشان نثبّت الإنسان الجديد ده و نكرّسه لربنا .. و فيه الروح القدس يحلّ فينا و يطهرنا.

كلمة ميرون كلمة يونانية معناها دهن أو طيب أو رائحة عطرة .. و زيت الميرون بيتعمل من زيت
الزيتون مع الأطياب و الحنوط التي كُفّن بها السيد المسيح.

و الزيت عموماً في الكنيسة أحد رموز الروح القدس (زي في مثل العذارى الحكيمات و الجاهلات) ..
و كان يُستخدّم في العهد القديم في مسح الكهنة والأنبياء والملوك (زي لقا صموئيل مسح
داود).

و سر المعمودية و الميرون هما مدخل لباقي أسرار الكنيسة
يعني ماينفّش حد يتناول غير لو كان متعمّد و مرشوم بالميرون .. عشان كدة أول مناولة للطفل
بتكون بعد معموديته على طول

تعالوا نفتكر دابماً إن إحنا اتكرّسنا لربنا و اتولدنا ولادة جديدة مختلفة .. و كل واحد فينا
قيل له "أكسيوس" لما طلع من المعمودية (زي القديسين) .. نسمع كلام ربنا و مانزعلش
الروح القدس اللي فينا
